

Helo Kampus



kampus@utusan.com.my



Oleh MOHD. SAIFUL
MOHD. SAHAK
kampus@utusan.com.my



UNIVERSITI Tun Hussein Onn Malaysia (UTHM) mencatat sejarah tersendiri apabila berjaya memperkenalkan perniagaan berkonsepkan pasar terapung pertama di Malaysia di Jeti Panchor Muar, Johor Disember tahun lalu.

Perniagaan pasar terapung yang dilaksanakan bersama Pejabat Penolong Naib Canselor (Hubungan Industri dan Masyarakat), Pejabat Pentadbiran Pagoh, Kolej Kediaman Pagoh Jaya dengan kerjasama Persatuan Nelayan Parlimen Pagoh dan Komuniti Kampung Panchor.

Pasar Terapung yang menjual barang-barang mentah dan barang keperluan harian ini diwujudkan bertujuan mempromosikan kawasan Panchor khususnya kawasan jeti kepada orang ramai dan menjadi destinasi tarikan kepada pelancong.

Pasar Terapung ini adalah hasil cetusan idea Penolong Naib Canselor, Hubungan Industri dan Masyarakat, Prof. Datuk Dr. Abdul Razak Omar yang mahu UTHM idea dan peluang untuk membangunkan kawasan terbabit selain menggalakkan komuniti Panchor mengambil langkah proaktif dalam menjalankan perniagaan di Jeti Panchor yang dapat mendatangkan keuntungan sekali gus mempromosikan kawasan tersebut.

Untuk pertama kali penganjurannya, pasar terapung ini telah disertai oleh pengusaha-pengusaha bersama 12 sampan yang disediakan untuk aktiviti jual beli barang dengan bantuan penuntut UTHM.

Antara barang-barang basah yang dijual ialah pelbagai jenis ikan, sayur-sayuran dan buah-buah termasuk kerepek, nasi bungkus dan kuih-muih. Selain itu, kira-kira 20 gerai yang berkonsepkan mini karnival turut dibuka di perkarangan jeti oleh pengusaha pasar tani yang menjual pelbagai jenis juadah serta barangan keperluan



ORANG RAMAI berpeluang untuk membeli sayur-sayuran segar yang dijual dengan berkonsepkan pasar terapung.

Pasar terapung pertama Malaysia

Usaha UTHM dalam menggalakkan komuniti tempatan menjalankan perniagaan



PELANCONG tempatan turut berpeluang menyusuri Sungai Panchor dengan perkhidmatan sampan yang disediakan.

harian.

Kampung Panchor yang akan dipenuhi kira-kira 10.000 pelajar pada 2017 apabila Pagoh bakal berubah wajah menjadi sebahagian Hab Pendidikan manakala kawasan sekitarnya pula akan dibangunkan untuk dihuni oleh masyarakat terutamanya pelajar universiti atau kolej.

Untuk rekod, sebanyak empat buah universiti iaitu Universiti Teknologi Malaysia, Universiti Islam Antarabangsa Malaysia, Politeknik Pagoh dan Universiti Tun Hussein Onn Malaysia bakal di bangunkan di Pagoh. Sementara itu, 150 penuntut UTHM Kampus Pagoh turut memeriahkan lagi suasana pasar terapung dengan pelbagai aktiviti bersama komuniti Kampung

Panchor.

Antara aktiviti yang dilaksanakan antaranya *Panchor River Cruise* yang pertama kali diadakan di Jeti Panchor untuk menarik minat orang ramai daripada segenap lapisan masyarakat. Keseronokan pengunjung menaiki bot bersiar-siar sambil menikmati keindahan Sungai Panchor jelas terpancar di wajah masing-masing. Aktiviti ini mendapat kerjasama penuh daripada Persatuan Nelayan Parlimen Pagoh.

Turut diadakan, aktiviti sukan seperti boling buah kelapa, pertandingan futsal dan kerusi muzik bagi menambahkan kemeriahan program pasar terapung di samping merapatkan hubungan antara penuntut UTHM dan penduduk Kampung Panchor.

Penduduk kampung turut mencuba nasib melalui aktiviti *Fun Fair* seperti baling tin, *giant bubbles* dan baling gelung selain acara karaoke yang

mendengarkan lagu-lagu pilihan masing-masing.

Manakala majlis penutup program telah disempurnakan oleh Ahli Dewanang Undangan Negeri (ADUN) Jorak, Datuk Dr. Shahrudin Md. Salleh.

Dalam ucapannya beliau berkata, idea mewujudkan pasar terapung mengambil contoh idea dari negara Thailand yang merupakan usaha yang cukup bernas dan mampu menarik orang ramai dari seluruh semenanjung Malaysia untuk datang dan merasai sendiri pengalaman membeli barang di pasar terapung yang pertama kali dilaksanakan di Malaysia.

"Saya melihat pasar ini merupakan titik permulaan yang amat baik bagi semua pihak untuk terus menjalin kolaborasi yang lebih erat dalam mempromosikan kawasan Jeti Panchor kepada masyarakat, bukan sahaja di dalam negara malah di luar negara juga," katanya.